

يعني كل التفاصيل اللي انا متعودة عليها رح تروح ، رح اعمل انا تفاصيل جديدة لحياتي قعداتنا سهراتنا رح تكون غير. ورح اكون بالايام الجاي ضيفت اهلي. رح اشتاق لتختي لصوت امي الصبح وكاسة النسكافيه من تحت ايدها، رح اشتاق لبابا اللي كل ليلة يجي يفقدنا فيها اذا متغطين ويصحينا الصبح بطريقتوا الحلوة والحنونة على المدرسة او الجامعة ، رح اشتاق لمقاتلاتي انا وخواتي عالاشياء الفاضية وضحكاتنا ، رح اشتاق لكل اشئ بالبيت اللي كبرت فيه. رح ابطل البننت الصغيرة رح تكبر المسؤوليات. بكل موقف بصير بخطر ببالي انه خلص رح اطلع من هالبيت لافتح بيت لحالي صعبه طلعة البننت من بيت اهله حتى لو زوجها شايلها بين عيونه وحب الاهل ما بتعوض بكنوز الدنيا كلها لما يقرب يوم عرسك ومن قبل بشهر كل مشاعرك بتتخربط مشاعر الحنين لقعدات العيلة غرفتك ، حتى القعدة الي كنتي تسهر بها مع اهلك ، وكاسة الشاي، مرقت ٢١ سنة وانا افكر كل هالاشياء عادية هلاء وقبل فترة من عرسي هالاشياء عم بتعني لي الحياة. رح ابدأ حياتي ببيت جديد مع شريك جديد وعيلة جديدة ببدأ مع اشياء انا لسي ما تعودت عليها قبل عرسك بتحسي بقيمة الحب والحنان والاحترام والامان والحرية الي تقدمولك خلال حياتك بدون ما تطلبهم كبروا معك صاروا جزء من شخصيتك الزواج مش اشئ سهل ومش خطوة بنعملها لما نزهق من العزوبية. بالزبط باليوم الي بتضبي فيه او اعيك واغراضك وبتحكي هاي بحتاجها وهي متعودة عليها وهي ضرورية بتحسي انك مسافرة.